



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Römischer kayserlicher || Maiestat geordent
Ca-||mergericht auff dem || Reichstag zu || Worms [et]c.||
Anno. M. vc.|| XXJ.||**

Karl <V., Heiliges Römisches Reich, Kaiser>

Meintz, 1521

Die Partheyen in außbringung der Acten in erster instantz nit
zübeschweren.

urn:nbn:de:hbz:466:1-14364

in die Achte bracht/ auch proceß der halben erlangt/ vber das sie nit dar
zū citirt/ oder rechtlich fürgefordert/ daraus die vnrordnung/ das Achte
vnd aber Achte/ wenig angesehen vnd geschetzt/ auch nichts darauff ge
ben/ sinder die Lechter also vnerfolgt behauße enthalten vnd fürgeho
ben werden/ zū dem das mancherley Achte/ vñ ein den anderñ nit gleich
erfordere. Demnach/ setzen/ ordnen/ ercleren/ vnd wöllen wir. das nye/
manes hinfuro in die Achte erkant/ erclert/ nach für ein Lechter gehalten
werde/ er sey dan zū vor darzū rechtlichen citirt. Desgleichen soll keiner
auf der Achte one verwilligung des jhnen/ so inendarin erlangt/ ge
lassen vnd absoluirt werden. Doch wöllen wir dadurch vnserm auffge
richten Landfrieden/ vnd desselben declaracion nichts derogiren oder
benemen.

Die Partheyen in außbringung der Acten in erster instantz mit zū beschweren.

¶ Vnd nach dem etlich parthyen in vnderñ gerichtē zū außbringung
der Gerichtshendel widder die billichkeit je zū zeyten beschwert werden/
mit vbermässiger bezalung/ ist für not angesehen/ das durch ein jeden
Churfürsten/ Fürsten/ vnd Oberkeit bey iren gerichtē/ verfügt vnd
Ordnung fürgenommen/ damit die Partheyen zū wenigsten be
schwert werden.

Eyn jeden bey ordentlichem gerichtē pleiben zulassen.

¶ Ferrer ist auch betrachtet/ das alle des Reichs verwandten bey ordē
lichen unerdischen Rechten außserhalb der hendel/ die nach laut vor
auffgerichter ordnung die an das Kayserlich Chammergerichtē gehö
ren gelassen/ also/ das ein jeder in dem gerichtē/ darin er one mittel gese
set vnd gehörig fürgenommen/ vnd das darneben bey vnd mit aller
oberkeit verschafft wurde/ das die mißbraich an beyden geystlichen vñ
weltlichen gerichtē abgestelt/ die beyder seyres formlich vnd ordentlich
gehalten/ ye eins das ander bey seinen gewirlichen proceß vnd lauff/
one intrag oder verhinderung ließ allerhandt vnrath/ widderwill/ vñ
vnwesens/ so daraus erwachsen/ zū fürkommen/ Doch damit eyner
jeden oberkeit irer herbrachten recht/ gebrauch/ herkommen/ gnaden
vnd freyheit vnbenommen.